

廬山錄

宋 周必大撰 張汝醇校

丁亥三月乙巳過隆興府丙午晚泊吳城山下廟登
望湖亭春水未生涯渚歷歷丁未舟人賽廟畢解去
自此入湖掠珠溪神岡左里廟皆不泊湖中多沙山
望之如雲廬阜青蒼真欲招隱耶未後次南康軍僉
判趙無悔相訪別適周歲矣借虞兵陳宣前導出西
門諸峯橫陳瀑布中瀉寒食節遊人布路約十餘里
至開先寺長老不在同西堂元湛上漱玉亭觀石柱

問東坡辛巳四月題名開先舊屋惟有此亭其上卽
石橋又其上瀑布落焉瀦爲龍潭旱歲祈禱頗應回
觀僧堂卽南唐元宗少年書堂也古碑一空魯直院
記偶存耳寺之東山別有小瀑號馬尾泉其餘境物
之勝僧徒皆不能言要當按陳令舉之記以浹旬搜
訪或可得其四五耳飯罷日已落急命車南訪歸宗
寺由簡寂觀路口以迂僻不果入行宮道約十里將
至寺先渡鸞溪橋酌一瀉泉躡支徑過水磴循溪源
有大池縱廣十丈警護皆以石又其上則石鏡溪聞
刻魯直三大字矐黑不能視獨題歲月於王龜齡待
制詩牌後溪上直紫霄峯鐵塔在焉村民以二三月
一往採茶約十里云自此卽架石渠道水長至二百
丈最爲奇特此外舊物稀矣秉燭入寺寺在金輪峯
上霄峯之下上霄者秦皇漢武帝所登也長老名僧
縱闔入同謁王右軍塑像觀墨池又有鵝池恐偽南
山至此已十八九尚有康王觀谷簾泉在一二十里
間遂轉山北入江州界矣隔路別峯號黃龍是爲湯
泉有寺幾廢云縱作果供二鼓就寢今日之游雖勿

忽而藍輿中遍觀山面所得爲多恨不能詩以識之
戊申聞五更鐘卽蓐食以火炬夾軍而歸初甚雨無
從假蓋已而稍止至萬杉院天始明頃經焚蕩尤貧
乏同長老上散珠亭卽舊滴翠亭也雨復作亟過棲
賢路稍崎嶇然不妨觀山也約十餘里至三峽橋蘓
黃門所記殆非誇詞恨不遇積雨怒漲時耳下觀橋
柱余靖元絳皆刻姓名自此行石衢至玉淵亭澗水
披石陡落滙爲龍湫雪濺雷吼不減三峽又數十步
乃至寺山林陰翳棟宇零落如蹈無人之境升其堂

長老妙徽方出嘉州人也同至五老亭古碑多
火而祖無擇愛堂銘獨存堂今在菜園後僅存階梯
按記文唐寶歷初李渤捨宅爲寺云聞數里間有楞
伽折桂諸小院乃舊屋楞伽卽李常公擇山房有其
妹墨竹追歸不能往出棲賢行十里得官道入羅漢
院雖免火厄而王者非其人坐觀摧敗略不支補惟
藏殿尚如舊內外皆石柱刻龍遶之承平時民財旣
富濟以國力固應如此又十里入北門江行圖欲登
落星寺而泉客在岸應酬移時日已過未遂解去晚

泊女兒港已酉早昏霧辰後方解而北風作過大孤
泊黃泥洑風止遇泊樟汊口頃之風稍息行數里浪
勢未平家人輩驚怖復掛颿回漳汊昨日若遇此天
氣則少留落星再遊廬山矣

廬山錄

山後錄

宋 周必大撰 張汝醇校

十月乙未朔壬子次南康軍水殊未落入泊寨中癸
丑欲游歷山徑大雨乙卯拂旦出西門過開先路口
數里由別徑入簡寂觀宋陸靜修說也其旁有嶽
廟守者云先生煉丹井已過回步訪之深三尺在田
間酌訖乃至觀中陳賢良記云觀在白雲峯下其間
一峯獨秀曰紫霄其北又有屏風山其前一里有雞
籠山觀門有朝真閣今廢殿前有先生醮石亦名禮斗

石道藏石刻銅天尊像石磬白雲樓西澗懸瀑落於
廡前甜苦筭間歲一生相傳先生手種者邂逅章績
與之同過度仙橋記云許堅聯衣石洞中間道士則
云沙石湮埋久矣進觀連理樹次天觀次至祥
符觀舊名靈溪記云三武士嘗漢武賜名齊
朝修創南唐重修今石衢甚廣三松不振自此
數百步卽歸宗禪寺從老來進飯後行道中有二
將軍別祠卽所謂三武士其名曰唐建威李德及宋
刁雲正廟自歸宗登山纔里餘又其二八里則紫霄

峯峯頂有鐵浮圖九級藏舍利遠望如枯木而晉梵
僧耶舍亦有墳在其衢又三里有謝景先草堂乃杏
林故地天氣未佳且無向導不果徧游杏林者後漢
董奉活人疾不取貲使愈者人植杏五株然奉自有
太乙觀在山北或曰杏林在此而上昇太乙觀耳記
又言歸宗後峯半右石室中有夏禹刻字僅百餘人
無復至者過歸宗望紫霄峯亦有瀑布行官道約三
里入小路訪栗里求醉石土人直云此去有陶公無
栗里也屈曲行三里遇數道人草菴背有嵯古潤醉

石在焉仰視飛瀑披大石而下甚爲奇觀石有均處俗云陶公枕痕也又指若虎跡者其說尤荒唐嘗記前人題詩云五字高吟酒一瓢廬山千古想風標至今門外青青柳不爲東風肯折腰惜乎不記其姓名餘具記中文之復出官道訪謝康樂經臺或云地屬皇甫道人已焚之矣次至黃龍靈湯院敗落特甚而湯泉固自若或題東坡和可避絕句于壁間又十五里落路數百步至康王景德觀對天柱峯倚凌雲峯兵火後殊草創其西有四庵一院相去不遠而記中

無所取故不往夜宿山月軒下臨大溪篾水所注也

終夜如大風聲丙辰早同道士喬大和渡溪入谷五

里至舊觀基

記云隋開皇徙

今爲菜圃又半里至龍泉院破

屋數間而已又十里至董氏茅屋蔬食畢望簾而進

此陸羽茶經第一水也熙寧元年七月夏倚所記信

而有徵言過石磴路甚危蓋鳥道緣崖其下卽澗壑

又草木蒙密須盡芟去乃能徐步耳倚所謂平石可

坐數人者正與簾對過此則大石散亂不可行予跳

躍其間從者皆驚逼簾滅沫噴人如霧雨毛髮凜然

水初束於石硤勢猶未廣既而散布傾瀉雖冬深水縮猶爲十餘派聞山後乃開先路豈非與山半之瀑同源耶谷中若用兩壯士挾山輪則可代步然屢涉溪流春夏漲溢亦未易進也今日予皆徒行幸天氣晴和歸路方有微雨回至山月軒道士喬大和猶未飯且言嘗有雪覆谷中不知也去觀五里至荆林寺是爲山北江州境大風人不能立晡時至侯溪市入圓通崇勝禪院古有侯氏故以名溪長老不在首座祖勝潼川人可與語同過旻古佛塔謁西堂修誼故

人惟訥之兄也東塔廣福院相去二里寒甚不可往

步至磨院風益甚或云寺前山中有風穴故多風飯

罷登至樂亭在法堂后觀李後主及昭惠后畫像訪清音

亭兵火後偶餘此亭乃摧壞弗葺惟石渠二百五十

丈尚無恙夜宿寺中丁巳早謁圓通殿舊但樟木觀音今亡乃設

釋迦觀音文殊三像於中而環以二十五圓通會食於東軒出門望馬耳石

耳峯方出昨夜疑大雪今日天氣乃稍開晴過甘泉

市至七里崑洛路飯廣福庵庵泉水卽石門澗也同

主僧慧辨行百餘步訪尊勝庵下有巨石高數丈長

如之中若剝裁可過二三人謂之石門相傳古有僧誦尊勝呪而石開遂以名庵庵對仙步峯又數十步至保寧庵三面皆出其南石旌臺在焉此三庵皆沿石門澗激水碓茶資其利次度橋上雙龍庵雙龍謂錦綉澗及庵傍小澗過此直上天池凡十五里或云兩旁通謂之綿綉谷蓋春時山花盛開望之如綿綉云山路峻甚每三四里輒爲亭以憩凡五亭第一亭跨澗頗雄偉行至半山有處州道人草庵在綿綉峯下指其旁以爲竹林隱寺游人或聞鐘鼓聲按山記

云香像岫北名阿那衡內有寺暮時聞鐘梵而寺隱

不見其旁半里有羅漢巖亦阿那寺之類而近世誤

謂之竹林耳

山南真有竹林寺

由道人庵而上路愈峻每數

十步卽回視江淮無遁形者過第四亭有大石凌虛

而出可坐數十人百千里畧無障蔽

俗呼四望石以山記攷之亦非

是乎觀一峯上有巧石

俗呼香爐峯以山記攷之乃在東林化感路

亭午

至天池禪院雖鑿二沼其澗可待所謂天池今不可到號曰龍潭在鐵船峯下亦有黑龍潭祈雨則至焉長老不在同首坐道徹登文殊亭下視鐵船峯望石

門澗自山委蛇而出直達於江然則尊勝庵之石門
非水源矣院有崇寧間西天僧金總持像及貝多葉
梵書數十辟支佛牙觀畢回道徹謁隆禪師塔其旁
卽定心石也記中下有
道徹指其前一峯爲十八賢
臺未知是否新羅巖草深路迷不能至歸院中方斜
復度嶺行二里許至主簿塔洞視空澗又非第四亭
而上可比東西二林歷歷在眼而江州屋壁已可辨
有九十九峯櫛比磬折如城堞然王韶觀文葬其下

此最佳處也稍前至佛手巖雪花滿樹庵門尚

閉乃知昨日大雪今日驟霽望南山雪氣猶未散賦
小詩云十月頑陰不見山山中一夜雪封庵伊予的
有尋仙分日照北山雲在南開每歲自九月便有雪
至三四月乃消去巖石空洞不止容百人下有泉水
道徹云巖上立峯如指故號佛手近爲野火焚裂矣
緣巖後細路數百步東望一峯卽舊峯頂院今廢或
云其間方是錦綉谷達於平田又下視磐石相傳遠
公講經臺也自佛手巖一二里渡小溪乃至大林寺
遭野火僅有基址其額爲教練者徒寘墳菴併令一

僧據其田人無知者予按白樂天詩心實慕之物色
乃能至其旁小徑卽下山南棲賢路也地在山頂而
反平衍謝靈運詩云冬夏共霜雪其高可知予作弔
大林詩云上盡諸峯地轉平天低雲近日多陰古來
南北通雙徑此去東西啟二林虞世南碑從泯沒白
居易序合推尋康廬第一金仙境忝使如今遂陸沉
黃昏歸至天池禮文殊求燈閃爍合離或在淮南或
在近嶺高者天半低者掠地又賦小詩云代馬腥膻
暗五臺南方世界且裴回傳燈便是真知識不用辨

波學善才是日雲散日出寒燠適中甚愜素志山中

薯預花全類蝴蝶又有萬年松羅漢線菩薩石

卽記中所

謂白石

英也戊午早同道徹望羅漢巖卽下山山上微雪

山半乃爲雨矣由石門澗出官路稍前卽岳家市

岳飛

葬母於此

自此可上化成不惟足力有限又山記止

言石盤之美而樓閣已非昔遙睇而去回視文殊亭

渺在峯頂王簿塔僅如枯木佛手巖屋彷彿可辨始

嘆昨日登涉之不易也午時至林口寺

謂二林之口

過杳

谷慧永禪師塔入西林寺卽慧永道場也流水瀟瀟

循堦除賞翫不能去寺不經火但不葺耳牛僧孺書

寺額佛像獨被冠纓訪水閣院已廢但存浮圖七級

次至東林晉慧遠法師道場法師廬門人於是寺前

方輿廬門市虎溪在寺門之外山記云清溪有亭今廢

牛僧孺太和四年書神運之殿今殿非其舊南唐元宗題

神運木今亡流泉匝寺下入虎溪殿後白蓮池晉輦或云

政和間太經藏院白公草堂雙玉澗明皇銅像今作傳大

守焚之士裝飾觀其豐唐壁畫等今亡上方舍利塔有南唐保大碑在門

首顏魯公題名上方之外虎跑泉深入九尺五彩閣甘露

戒壇今亡其西石磴三百級岳飛母拆砌墳滴翠亭今亡殷仲堪

聰明泉佛影臺今亡晉朝三杉亦為岳飛取出是寺最為古刹

而兵火中巋然獨存入門樓閣華煥宛如仙宮長老

不然自號混融師宦族也共飯畢同訪遠公塔次至

照覺佛海二塔歸登五伯羅漢閣望諸峯閣下即內

三門也出東林二里至廣福院本大明公廟保大五年陳元

記靖國元年封清公真人記云真人姓匡名續字

君孝出自殷周之際居此山或云受道於仙人共游

此山人謂其所止為神仙之廬因以名山或云匡裕

廬山後錄

廬山後錄

漢人漢初封越廬君故曰廬山次至太平興國宮街
衢門闕氣象清華劉越石高三四尺根植地中在宮
門之外仙鄉亭廢矣宮倚聖治峯正殿惟設採訪使
者像其後乃太上本命殿兩廊繪使者變相儀衛次
以五百靈官又其後有雲無心堂臨流水可愛道士
皆星居有劉烈者號虛谷先生嘗進易解云知宮留
宿不果登新創鐘樓而行樓名景陽華麗殊甚日落
至清虛道人皇甫坦庵飯罷館焉坦被遇太上結庵
撥雲峯下自言兖州瑕丘人久在川陝嘗遇朱桃椎

善布氣時時書字決人禍福或云年七十二山中道
士言其顏貌已不逮二十年前矣近損足未能步而
茅山張椿齡亦被遇太上今年亦得此疾異哉卷創
有泉太上題曰神泉又爲閣以藏御書及像設已未
早皇甫道人再具飯飯訖行數百步至雲溪庵即蓮花洞
也側近云有數廟間不甚佳自此若出官道則過妙智院及蛇畱
即鄭亭湖神分予欲趨太乙宮或謂小路差近乃過
風化身之地擊牛墩皆茅峽峻嶺亦六七里方至真宗賜名大中祥符觀即
董奉上昇之地大槩二十一日已記之其事出葛洪

神仙傳觀在蓮花峯下不經兵火有昇元大年韓王知証記是時猶謂之廟保大十二年記則爲觀矣宣和二年封奉爲昇元真人觀中猶種杏前殿一株甚大其後又有種杏軒春時不妨宴游也先道士蕭惟憶年七十餘未嘗出門視其貌蓋有所養者自觀五里至禪智院對雙劍峯稍偏正對山之外自小石榴峯以其爲舊屋故游焉記言院後有綠野亭忘記詢問進至雙溪寶嚴禪院再飯同長老世顯步過雲慶庵記言因流泉爲池多畜魴鯉今僅存坳窪耳假世顯之驢令庵僧致康

前導過寶積庵殊不葺治但有程公闕師孟詩刻訪白雲亭已爲王秀才治冢其上披荆棘尋所謂磐石鳴泉久之訪見泉石誠佳而又北望滄江宜陳舜俞以爲山北最佳之菴此去江州纔二十餘里山北之境盡矣跨驢五里上吳章嶺亂石危崖亦險峻嶺脊分江東西兩路界過界便見五老峯是爲山南嶺下有小路至智林淨慧院昭德觀會日斜僕疲乃由官路過大富莊至相辭橋俗云蔡李二真人相別處也已昏黑秉燭行至尋真鋪風大作入小路二三里敲觀門道士

疑爲盜父之方出真誥言廬山乃元辰福地而此觀

爲第八詠真洞天五老峯正在其後而倚香爐峯

記

南北山各有香爐峯

庚申登採訪使者閣望五老峯記言漢武

築羽章館於屏風壘下臨相思澗今五老之峯壘石如屏障蓋其故里自閣而望相去若在百步間廬阜之甲觀也爲題其榜曰雲錦閣李太白屏風九疊雲錦張之句云五老第二峯卽獅子峯與九疊屏相連山無草木曉日照之始如赤城自廊廡望之則奇姿巧勢尤不可狀龍潭在觀後一里水作琉璃色其中

數尺正黑知觀湯善麟云深數十丈蓋謂天之門云

潭上有龍王祠疑卽記中所謂綠淨亭也已初借善

翽小驢令四明徐道人前導過永福院舊名雲龍煨

燼之餘方稍營葺次至壘石庵蓋近世僧德正所創

門外大石長數丈復壘一石前眺江湖宛如池庵背

卽五老峯乃几案間物陳舜俞所見蓋後來庵宇

之絕景也次度華嚴石橋華嚴院今廢次至折桂院

今名證寂折桂因唐李逢吉得名記言山名幡竿源

而土人不知登南唐惠濟禪師石塔有巢雲軒而記

不載不經兵火氣象便可愛前有僧房可望湖而不見山次至解空院其旁聖果院已廢次至谷源庵地形甚高面對重湖記言疊石奇偉豈謂德正之庵耶後有幽泉但屋弊無足觀者自此爲折桂小童指路迂枉忽下峻嶺木葉被霜滑汰幾不能移步至雲臺庵乃得平地庵後石崖如記中所載次至淨妙院記云古名青牛谷卽楊衡所謂隨雲步入者儼然如造仙境門外數十步回望五老及他山如圖畫凡此寺觀庵宇大抵環繞五老峯每至一處山色峯數輒不

同造物之無盡藏也獅子峯尤肖今日但少雲氣飾之次至承天白鶴觀唐混成先生劉玄和故居舊屋偶存獨無廊廡唐杉圍二丈在門內問東北木瓜庵道士不知觀前百餘步出官路過三峽橋遺從者先入棲賢獨與徐道人携二僕復由小路爲卧龍之流

初過中興庵

卽舊禪靜院

次寶慶庵近各有一道人主西

澗卽劉凝之庵無知者旣過澗徐道人迷路度峻嶺踰棧閣遇炭窰方知路旁得一夫引至上偃臺卽祖教院亦無僧行自此又盤一嶺至卧龍新庵有江州

蔡道人主之復行半里過舊菴基沿澗乃至其處蒼崖之下怒瀑淙擊高十餘丈與九華山雪潭爭爲長雄凡陳舜俞所記一無誇詞今日不憚崎嶇險阻凡以爲此未至而悔旣至則樂以忘勞焉舊庵隔溪巖石層出粲如百疊之雲中有流泉注于澗亦一佳處也望五老峯甚近香積院在其下業留從者於棲賢遂問歸路數里至出遠庵今爲尼居王者覺殊郇人壁間舊刻馮宗詩恭嘗讀書於此庵前度溪至上塔記所謂域眼禪師石像如生者舊屋甚整潔大竹成

有醉亦鋤泉登環翠閣望五老峯背自此下山數里即至棲賢微老不在藏主可昇眉山人與予同庚爲古詩韻云我比同年百不能只餘霜髮愧師兄殷勤覓句無言說其撥寒灰聽水聲寺比今春稍葺但殘僧四五輩不稱大刹節罷同昇上人過五老玉淵二亭山水不辜老眼而足爾矣道人至軍城招妻孥來早會此辛酉拂曉自寺後渡澗行里許過百藥灘石岸坡陀道人於此曬藥陟山嶺度茅坵約四五里並五老峯至明真尼院冰霜滿屨扣門久之方開蓋舊

廬山後錄
屋也同尼師登凌霄巖巖在地奇石如巖古有僧坐
禪其間繞洞別過石門謂之喝石其前一石甚大卽
記中所謂對五老如賓客者傍有石屏亦可愛出門
數十步望宮亭湖橫出而揚瀾左里左右相對落星
僅如葉舟惟軍城爲紫荆山所蔽耳回過百藥灘分
路行三四里入楞伽院亦古屋也正倚朱砂峯舊號
白石佛殿創於保大中釋迦像與西林同李公擇尚
書藏書閣在東偏元豐以後留題皆存有趙天啓者
歷叙公擇作中丞救祭確故改戶書云云西廡有東

坡作山房碑又刻南唐佛像野夫公擇及黃魯直皆
有題字崇德君墨竹高下校在鐘閣蓋公擇妹魯直
母也寺門外卽上天池大林路至爲險峻老僧惠實
生於元豐八年云自此別有捷徑約一二里過澗入
棲賢磨院院在石人峯側又里許遂至棲賢骨肉方
來同觀玉淵先是澗水犇衝遇大石上侈下歛懸布
深射極其雄壯濤頭瀆湧散爲玻璃色記言沙石萬
數古今不塞誠下通於海矣相對有寒泉亭泉自山
出按記文訪羅漢巖寶陀巖于僧堂之後皆無知者

廬山後錄 十四
山上竹樹間多崖石其下有觀音泉疑自寶陀巖而出稍加剌治必得之其南有小徑疑白雲庵路也飯罷遣徐道人乘驢歸詠真同骨肉再過三峽橋裴徊久之始知過橋之泉爲陸子泉其旁有沈錫大書廬山二字行小路望五老峯了然便道入高遙景德院亦舊屋有元豐間無爲子題字老僧年八十二云李徵右書堂僅一里今廢但刻其名銜于石洗滌乃可見進至萬杉院上滴翠亭餘具三月記中又二里入開先登漱玉亭度橋俯澗澗中石含雲母如記所載天寒甚太

守適致餽徧飲從者而行澗外招隱橋近爲寺僧徒數十步而招隱泉無人知者物色久之得於二百步外叢條之後石井依然三酌而歸路口有披雲亭稍前卽古楊梅亭基又稍前當四達之衝卽古四會亭而俗子改曰屏翠矣回望山色奇甚倒載而觀之紫霄峯劍立衆峯之間鐵塔僅如一線將至軍城一里有承天院臨溪湖僧嘗被盜殺三人今遂不振入西門日已暮昔白樂天記匡廬奇秀甲天下誠非虛語陳氏山記北起江州盡圓通乃轉山南起康王觀迄

廬山後錄 十五
吳章嶺其序如此予今自南而北與之相反故問津
多誤然記中指名奇特處十得六七其餘當路者遊
迂曲者畧異時再以旬日窮探極覽可使無遺蘊矣
初南唐元宗賜田給諸庵巖故所至有產業中經李
成焚蕩十存二三又說重稅薄僧道往往逃移寺觀
日以摧毀近雖稍修復說巖絕爲多惟舊屋則氣象
終可愛舟中賦四韻云山北則廬阜東西徧九華宴
安無醜毒痼疾有煙霞淡薄村村酒甘香院院茶馳
驅君莫厭此出勝居家壬戌五更雪打篷平明出別

郡官望廬山已橫白練欲解去南風作章德象游落
星詩云來游未盡登臨興且喜南風阻去船殆爲予
設飯罷遂携家棹小船往焉寺去軍城僅五里水乾
則路通今歲尚深丈餘按圖經石高五丈周回百五
十步九江記云尋陽湖內隕星化石上連彭蠡下接
潯陽其石圓潔不生草木峭然孤峙獨出水際寺興
於唐景福年天祐二年賜額福星龍安院本朝祥符
二年例改法安南唐戊辰歲卽本朝開寶間宣義郎湯淨撰
記云保大中寺僧修葺元宗嘗臨幸僧齋已范文正

公章郇公王介甫平甫程公闕蔣穎叔黃魯直父子

郭功甫洪駒父皆嘗留詩文龍圖閣學士吳仲庶

中復

猶酷愛西軒更名曰嵐漪魯直詩云龍閣老人來賦

詩謂仲庶也出邑滿眼湖光千里真世間之絕景又

嘗有玉京軒今皆廢但存清暉閣

或云保大
中命名

西對廬

阜如青天翠屏初至白雲英英起山腰少焉散漫俄

復退歛已而山坡絮帽變態不嘗舉酒賞之不覺徑

醉午後移坐佛屋之前東南觀巨浸右爲揚瀾左爲

左里其中兩山如門是爲鄱陽湖由寺門而望則東

北直宮亭湖西南軒牕對流清山其脅亦有湖江西

北乃軍城也再舉酒而歸晚自舟中望山色不勝眷

眷再以小艇入西草湖過東古山下觀釣魚臺鴻雁

鷗鷺徧野見人驚飛轉而之流清港上流清庵庵在

鳳凰山古殿殘毀慨想承平之遺址同棹已曛黑過

落星聞鐘聲徃復殆二十里癸亥早發南康北風微

作已而轉南過左里揚瀾泊珠溪而北風復作去軍

城已八十里有巡檢司及小市登岸北望廬山甲子

南風晡時方行四十里至吳城山謁廟畢登望湖亭

廬山行錄
猶見廬山也殿左有穴如井異時湖中或損米舟則
見於冗中謂之神倉云

廬山後錄終